



Broj: 01/6-50-3-6-15/18

Sarajevo, 30.01.2018.

IZVJEŠTAJ O RADU
ZA 2017. GODINU

Sarajevo, januar 2018.

SADRŽAJ

POGLAVLJE I. UVODNI DIO	3
POGLAVLJE II. IZVJEŠTAJ O AKTIVNOSTIMA KOMISIJE	4
Odjeljak A. Konferencije u organizaciji Komisije	4
Odjeljak B. Konferencije na kojima su učestvovali članovi Komisije.....	6
Odjeljak C. Bilateralni susreti i sastanci	7
Odjeljak D. Zakonodavna aktivnost Komisije	7
Odjeljak E. Ostale aktivnosti	7
POGLAVLJE III. SAŽETAK	7
PRILOG: Pregled sjednica Komisije s tačkama dnevnog reda	7

Na osnovu člana 32. stav (2) Poslovnika Predstavničkog doma Parlamentarne skupštine Bosne i Hercegovine (“Službeni glasnik BiH”, broj 79/14), Komisija za ostvarivanje ravnopravnosti spolova Predstavničkog doma Parlamentarne skupštine Bosne i Hercegovine na 15. sjednici, održanoj 30.01.2018. godine, usvojila je

IZVJEŠTAJ O RADU ZA 2017. GODINU

POGLAVLJE I. UVODNI DIO

Nadležnosti Komisije za ostvarivanje ravnopravnosti spolova Predstavničkog doma Parlamentarne skupštine BiH (u daljnjem tekstu: Komisija) utvrđene su članom 49. Poslovnika Predstavničkog doma, kojim je propisano da Komisija razmatra pitanja koja se odnose na:

- ostvarivanje ravnopravnosti spolova u Bosni i Hercegovini, naročito u vezi s unapređivanjem statusa žena u Bosni i Hercegovini;
- poticanje aktivnosti u institucijama BiH na provođenju Platforme za akciju Pekinške deklaracije (4. svjetska konferencija o ženama, 1995.) u 12 kritičkih sfera;
- poticanje i koordinaciju aktivnosti s entitetskim parlamentima i Skupštinom Brčko Distrikta BiH na unapređenju statusa žena i provođenju Platforme za akciju Pekinške deklaracije;
- razmatranje predloženih zakona i drugih propisa sa stanovišta ravnopravnosti spolova i sprečavanja diskriminacije žena;
- razmatranje prijedloga dokumenata i izvještaja institucija BiH koji se odnose na ostvarivanje ravnopravnosti spolova i provođenje Platforme za akciju Pekinške deklaracije u cijelosti, odnosno po pojedinim oblastima;
- razmatranje pripreme za učešće delegacija Bosne i Hercegovine na međunarodnim skupovima kada se razmatra provođenje Pekinške deklaracije (UN, Vijeće za regionalnu saradnju – RCC i sl.);
- druga pitanja u vezi sa ostvarivanjem ravnopravnosti spolova.

U 2017. godini Komisija je održala tri sjednice s ukupno 16 tačaka dnevnog reda, kako slijedi:

<i>Broj i datum održavanja sjednice</i>	<i>Broj razmatranih tačaka dnevnog reda</i>	<i>Broj i ime prisutnih članova sjednici Komisije</i>	<i>Broj i ime članova koji nisu bili prisutni sjednici Komisije</i>
12. / 17.1.2017.	7	7 Mirsad Isaković, Diana Zelenika, Nermina Kapetanović, Saša Magazinović, Borislav Bojić, Jovan Vukovljak i Maja Gasal-Vražalica	2 Milica Marković i Sadik Ahmetović
13. / 4.7.2017.	7	5 Mirsad Isaković, Diana Zelenika, Saša Magazinović, Borislav Bojić i Jovan Vukovljak.	4 Nermina Kapetanović, Milica Marković, Sadik Ahmetović i Maja Gasal-Vražalica
14. / 25.7.2017.	2	5 Mirsad Isaković, Maja Gasal-Vražalica, Borislav Bojić, Nermina Kapetanović i Jovan Vukovljak.	4 Saša Magazinović, Milica Marković, Sadik Ahmetović i Diana Zelenika
Ukupan broj sjednica: 3	Ukupan broj razmatranih tačaka: 16	Prosjek prisustva: 63 %	Prosjek odsustva: 37 %

Osim redovnih sjednica, Komisija je organizirala i pet konferencija, odnosno tematskih sjednica, o kojima će biti više riječi u sljedećem poglavlju.

POGLAVLJE II. IZVJEŠTAJ O AKTIVNOSTIMA KOMISIJE

Odjeljak A. Konferencije i tematske sjednice u organizaciji Komisije

1. “Pravo na roditeljstvo bez diskriminacije” / 6.3.2017.

Komisija za ostvarivanje ravnopravnosti spolova Predstavničkog doma Parlamentarne skupštine Bosne i Hercegovine, u saradnji sa „Ženskom mrežom“, uz podršku Misije OSCE-a u BiH, a povodom Međunarodnog dana žena, organizirala je konferenciju pod nazivom “Pravo na roditeljstvo bez diskriminacije”, održanu 6. marta 2017. Konferencija je posvećena nastojanjima Komisije za zakonsko reguliranje liječenja neplodnosti biomedicinski potpomognutom oplodnjom, te je tom prilikom Komisija dodijelila dobitnicima tradicionalna priznanja za doprinos u ostvarivanju ravnopravnosti spolova u 2016. godini.

2. “Biti LGBTI osoba u BiH – preporuke za djelovanje institucija” / 17.5.2017.

Zajednička komisija za ljudska prava i Komisija za ostvarivanje ravnopravnosti spolova, u saradnji s Agencijom za ravnopravnost spolova Ministarstva za ljudska prava i izbjeglice BiH, Sarajevskim otvorenim centrom i UNDP-jem u BiH, organizirali su 17.5.2017. zajedničku tematsku sjednicu pod nazivom “Biti LGBTI osoba u BiH – preporuke za djelovanje institucija”.

Tematska sjednica organizirana je povodom 17. maja – Međunarodnog dana borbe protiv homofobije i transfobije, a s ciljem sagledavanja stanja zakonodavstva i relevantnih politika u ovoj oblasti, te razmjene mišljenja o tome kako ovu oblast urediti na najbolji način.

3. “Rodni aspekt ratne memorijalizacije u BiH” / 14.7.2017.

U saradnji sa Ženskom mrežom BiH i Inicijativom “Mir sa ženskim licem” organiziran je 14.7.2017. okrugli sto pod nazivom “Rodni aspekt ratne memorijalizacije u BiH” kao rezultat inicijative 12 ženskih organizacija s područja Bosne i Hercegovine, uz potpise oko 1200 građana i građanki upućene Komisiji za ostvarivanje ravnopravnosti spolova radi utvrđivanja 8. decembra kao Dana sjećanja na stradanje žena u ratu u Bosni i Hercegovini.

Cilj okruglog stola bio je, uz učešće zainteresiranih organizacija i pojedinaca, nastojati usaglasiti stav i utvrditi preporuke nadležnim kako na primjeren način obilježavati stradanja žena u ratu u Bosni i Hercegovini 1992. – 1995. godine.

4. “Uloga istraživanja u izradi politika o rodnoj ravnopravnosti“ / 23.10.2017.

U saradnji s Agencijom za ravnopravnost spolova Ministarstva za ljudska prava i izbjeglice BiH, uz podršku USAID-a u BiH, organizirana je tematska sjednica pod nazivom “Uloga istraživanja u izradi politika o rodnoj ravnopravnosti“.

Cilj tematske sjednice je predstaviti najnovija istraživanja relevantna za oblast ravnopravnosti spolova u BiH, istaknuti važnost empirijskih istraživanja za razvoj politika i skrenuti pažnju na značaj uspostavljanja kontinuiranog procesa prikupljanja empirijskih podataka u oblasti rodne ravnopravnosti, na način kako je to predviđeno propisima i strateškim dokumentima.

5. “ Kako do rodno odgovornog budžeta: uloga parlamenta“

Komisija za ostvarivanje ravnopravnosti spolova Predstavničkog doma Parlamentarne skupštine Bosne i Hercegovine, u saradnji sa Agencijom za ravnopravnost spolova, Ministarstva za ljudska prava i izbjeglice BiH, uz podršku UN Women u BiH, organizirala je tematsku sjednicu pod nazivom “ Kako do rodno odgovornog budžeta: uloga parlamenta“, s ciljem pružiti informacije koje će donosiocima odluka olakšati da, cijeneći potrebu osiguranja jednakih prava i mogućnosti za sve, analiziraju, procijene, donesu i prate djelotvornost odluka o raspodjeli javnih sredstava na rodno odgovoran način, kako je to predviđeno propisima i strateškim dokumentima.

Odjeljak B. Konferencije na kojima su učestvovali članovi Komisije

- Konferencija “Promocija učešća žena u izborima”, Sarajevo, 2.2.2017.
- Interparlamentarni sastanak Odbora za ženska prava i ravnopravnost spolova u Evropskom parlamentu, Brisel, 8. i 9.3.2017.
- Treća godišnja konferencija o stanju ljudskih prava i sloboda u Bosni i Hercegovini, Neum, 26. i 27.4.2017.
- Međunarodna radionica o temi: „Saradnja evropskih parlamentaraca u borbi protiv trgovine ljudima u zemljama Zapadnog Balkana“, Beograd, 18.5.2017.
- Konferencija MAN posvećena povećanju učešća muškaraca u ostvarivanju ravnopravnosti spolova, Beograd, 5.-7.6.2017.

- Regionalna konferencija za centralnu i istočnu Evropu „Iskoristiti zakone za okončanje nasilja nad ženama i djevojčicama“, Bukurešt, 12. – 14.6.2017.
- “Simpozij o ženama u mehanizmima za donošenje odluka“, Ankara, Republika Turska, 1. i 2.11.2017.
- Radionica "Prioriteti djelovanja u okviru Programске platforme saradnje žena parlamentarki Parlamentarne skupštine Bosne i Hercegovine, Narodne skupštine Republike Srpske, Parlamenta Federacije BiH, Skupštine Brčko Distrikta BiH i žena aktivnih u nevladinim organizacijama i institucijama u Republici Srpskoj i Federaciji Bosne i Hercegovine za period 2016. – 2018.", Jahorina, 11.-13.11.2017.
- Okrugli sto o temi: "Žene i terorizam", Sarajevo, 27.11.2017.
- Konferencija "Sve jednake - Sve vidljive", Sarajevo, 28.-30.11.2017.
- Godišnje konsultacije o Programskom dokumentu (CPD) UNFPA BiH za 2015.-2019., Jahorina, 11. i 12.12.2017.

Odjeljak C. Bilateralni susreti

Održani su i sljedeći sastanci:

Sastanak s konsultanticom Populacijskog fonda Ujedinjenih naroda (UNFPA) o stigmatizaciji osoba koje su tokom sukoba u BiH preživjele seksualno nasilje.

Odjeljak D. Zakonodavna aktivnost Komisije

Odjeljak E. Ostale aktivnosti

Učešće u radu Radne grupe za izradu Nacrta zakona o pravima žrtava torture u BiH (Diana Zelenika)

POGLAVLJE III. SAŽETAK

Komisija je redovno analizirala stanje ravnopravnosti spolova u raznim oblastima javnog i privatnog života u BiH, uvažavajući pritom stavove i vladinog i nevladinog sektora, nastojeći postići uravnotežen stav koji bi svojim preporukama primjereno potaknuo na aktivnosti s ciljem poboljšanja stanja.

Bitno je istaknuti i višegodišnje strateške partnere s kojima je Komisija tokom protekle godine najviše saradivala, a to su: Agencija za ravnopravnost spolova BiH, *UN Women*, OSCE, te brojne nevladine organizacije.

PRILOG: Pregled sjednica Komisije u 2017. godini s tačkama dnevnog reda

12. sjednica, 17.1.2017.

1. Usvajanje Zapisnika 11. sjednice Komisije;
2. Usvajanje Izvještaja o radu Komisije za 2016. godinu;
3. Usvajanje Orijentacionog radnog plana Komisije za 2017. godinu;
4. Razmatranje Inicijative ženskih organizacija u BiH za institucionalizaciju 8. decembra kao Dana sjećanja na stradanje žena u ratu u Bosni i Hercegovini, broj: 01/6-37-3087/16, od 8.12.2016.;
5. Informacija s tematske sjednice Komisije „Učešće žena u politici – izazovi i prilike”;
6. Informacija s konferencije „Unapređivanje politika rodne ravnopravnosti na Zapadnom Balkanu i u Turskoj”;
7. Tekuća pitanja:
 - a) Dopis Ženske mreže BiH pod nazivom “Tražimo kvalitetnu, fer i ujednačenu praksu medicinski potpomognute oplodnje u cijeloj državi”.

13. sjednica, 4.7.2017.

1. Usvajanje Zapisnika 12. sjednice Komisije;
2. Izvještaj o radu Vijeća ministara BiH za 2016. godinu;
3. Godišnji izvještaj o provođenju Gender akcionog plana u Bosni i Hercegovini za 2015. i 2016. godinu
4. Godišnji izvještaj o provođenju Akcionog plana za provođenje UN-ove Rezolucije 1325 „Žene, mir i sigurnost“ u Bosni i Hercegovini (AP UNSCR 1325) za period 1.8.2015. – 1.8.2016.;
5. Informacija s tematske sjednice „Pravo na roditeljstvo bez diskriminacije”;
6. Informacija o učešću delegacije Komisije za ostvarivanje ravnopravnosti spolova na interparlamentarnom sastanku Odbora za ženska prava i ravnopravnost spolova Evropskog parlamenta u Briselu;

7. Tekuća pitanja.

14. sjednica, 25.7.2017.

1. Usvajanje Zapisnika 13. sjednice Komisije;
2. Razmatranje Izvještaja o radu Vijeća ministara BiH za 2016. godinu.

PREDSJEDAVAJUĆI KOMISIJE

Mirsad Isaković